

Portas aviartas dalla «Ca communal»

La vischnaunca da Domat ha inaugurau festivamein sia casa communal restaurada ed engrondida

DA CLAUDIO WILLI/MC

■ La «Ca communal» Tircal a Domat ch'ei vegnida restaurada ed engrondida per fleivel tschun milliuns ei vegnida inaugurada festivamein la sonda vargada cun in gi da portas aviartas. In grond publicum ha priu la caschun da prender investa e giudicar igl edifeci communal renovau. Sco la tradiziun vul han ils Tamburs da Domat, flancai dils bandierels dalla cumpagnia da mats, dau l'entschatta musicala dalla festivitad. En siu beinvegni ha il president communal *Erich Kohler* accentuau che la renovaziun ed engrondaziun digl edifeci communal hagi scaffiu premissas idealas per la lavur ed ils survetschs dall'administraziun communal en favur dalla populaziun. Per la benedicziun dils edifecis han ils plevons *Gregor Barmet* (catolic) e *Hans Walter Goll* (protestant) procurau. Goll ha plidau dil spért da harmonia e sabientscha che duai emplenir cugl agid da Diu igl edifeci, Barmet ha benediu igl edifeci restaurau springend generusamein aua benedida.

«Pli aviart ed emperneivel»

Silla tura atras las localitads dil niev edifeci ha il publicum saviu seperschuauder dalla sanaziun ed engrondaziun gartegjada. Gia el plaunterren dat ei uss dapli spazi sper la controlla d'habitonts. Nua ch'els visitaders stuevan spitgar antruras el zuler han ins saviu gudignar spazi entras plazzar l'installaziun d'in ascensur che meina tochen ellas alzadas sisum en in



Inauguraziun festiva da la «Ca communal» renovada ed engrondida a Domat.

FOTO C. WILLI

tract annex. In access adattau per impedi era els biros ed ellas stanzas da sesida ei stada ina dallas premissas obligontas ch'ei stadas da risguardar tier la sanaziun. Las localitads ein daventadas «pli aviartas ed emperneivas» ed ein ussa tutas equipadas culla tecnologia da com-

municaziun la pli moderna. Ins ha denton era saviu gudignar dapli spazi per l'administraziun che crescha adina dapli ella vischnaunca ch'ei ussa cun ses 8000 habitonts la quart gronda vischnaunca grischuna. Per quei intent han ins stuiu nezegiar il spazi dall'alzada sut tetg,

aschia ch'els tetgals da varga 100 onns ein integrai e secumportan fetg bein culla construcziun nova. Era quei documentescha l'intenziun da *Gion Signorelle* da siu team d'architects da mantener la substantia veglia dil stabiliment vegl, quei ch'ei era perceptibel e palpabel.

Construida 1848 sco casa da scola

Cun sereflectar al corpus oriund da 1848 ei igl edifeci vegnius modernisau. La casa communal actuala a Tircal ei vegnida erigida a sias uras sco emprema casa da scola dil vitg da Domat. Ella ha surviu a pliras generaziuns sco stiva da scola e quei tochen 1947. Las annadas pli veglias se-regordan aunc dils bauns da lenn e dallas tablas da tiaracotga e ch'el scolast e president communal *Anton Jörger* raquintava cun grond entusiassem dalla «scola nova» ch'ei lu era vegnida baghegiada gest sper la casa communal actuala ed inaugurada 1948.

Cul svilup dil vitg e cugl augment dalla populaziun ein las casas da scola Tuma Platta (1968) e Caguils (1982) vegnidas baghegiadas ed adina puspei adattadas al niev stan. La casa communal ei la finala stada a disposiziun exclusivamein per l'administraziun communal, las adattaziuns proponidas ein denton buc adina vegnidas acceptadas. Igl onn 2004 ei in project corrispudent vegnius fiers dil suveran, cunzun pervia digl ascensur ch'era da lezzas uras aunc vegnius consideraus per buca necessariis. Suenten in'ulteriura emprova ha il suveran la finala tonaton acceptau il mars 2018 all'urna in credit da strusch tschun milliun per in project ch'unescha fetg bein tradiziun ed avegnir. E remarcabel eis ei era che buca pli l'inscripziun usitada «Casa communal» paradescha pli alla fassada, mobein «Ca communal» sco quei ch'ins di el dialect da Domat.

Curriders sursilvans sil podest a Puntraschigna

Bunas rangaziuns per Cla-Ursin Nufer al Cup dallas Alps

■ (fmr/hh) La fin dall'jamna passada ein curridras e curriders sursilvans separticipai a cuorsas dil Cup dallas Alps a Travisio ell'Italia ed als Campiunadis grischuns nordics a Puntraschigna. A Travisio ei *Cla-Ursin Nufer* dil Club da skis Sedrun-Tujetsch daventaus otgavel ella cuorsa liunga dil stil classic sur la distanza da 10 km. Rondund 80 ein separticipai en quella categoria dils umens sut 20 onns. Ella cuorsa libra ei lu reussiu ad el igl endischavel rang ed el sprint ei il Tuatschin daventaus 25avel.

Al campiunadi grischun a Puntraschigna ei *Otavia Vonplon* da Castrisch daventada novavla ella cuorsa dallas mattatschas sut diesch onns. Communablamein cun *Alea Lofthouse*, medemamein dil Club da skis Castrisch, ha

ella contonschiu il tierz rang ella staffetta.

Ella categoria dils buobs sut 12 onns ei *Yann Lofthouse* da Castrisch daventaus 18avel ed ella categoria sut 14 onns ha *Matia Friberg* dil Club da skis Sedrun-Tujetsch contonschiu igl otgavel rang. Il tierz rang ei reussiu a *Jon-Fadri Nufer* da Rueras ella categoria dils giuvens sut 16 onns. En quella categoria daventa *Clau Deplazes* dil Club da skis Trun otgavel e siu camerat dil club *Elia Sassi* novavel. La medaglia da bronz ha ei era dau per *Niculina Nufer* da Rueras ella categoria dallas damas sut 18 onns. *Lena Kropf* dil CS Trun ei daventada campiunessa grischuna tier las damas sut 20 onns e *Fadri Schmid* da Sedrun ha acquistau bronz ella categoria dils umens sut 20 onns.



Cla-Ursin Nufer ha mussau bunas prestaziuns al Cup dallas Alps.

FOTO H. HUONDER

reclama

Die Butter
4 x 250 g
11.20 statt 13.20
15%
Multipack
4 x 250 g

Rindshackfleisch
2 x 500 g, Duopack
Schweizer Fleisch
13.80 statt 23.-
40%

Valpolicella Ripasso
Lo Trago
Cantina Accordini
7.5 dl
Italien, Veneto
Corvina, Rondinella, Molinara

Rocca Rubia DOC
Carignano
Cantina Santadi
7.5 dl
Italien, Sardinien
Carignano

1 Flasche 17.95
ab 2 Flaschen
je 8.95
1+1 gratis

Dr. Oetker Pizza Ristorante
alle Sorten, 325 g – 390 g
3.95 statt 5.95
33%

Feldschlösschen
Original Lager
24 x 5 dl
23.95 statt 43.20
44%

Valpolicella Ripasso
Cantina Zonin
7.5 dl
Italien, Veneto
Corvina, Rondinella, Molinara

Tempo Toilettenpapier
alle 24er-Packungen
12.50 statt 21.20
40%

1 Flasche 18.90
ab 2 Flaschen
je 9.45
1+1 gratis

Tempo Toilettenpapier
alle 24er-Packungen
12.50 statt 21.20
40%

Auf gute Nachbarschaft.

Solange Vorrat. Abgabe nur in Haushaltsmengen. Alle Preise in Schweizer Franken. Satz- und Druckfehler vorbehalten. SPAR verkauft keinen Alkohol an Jugendliche unter 18 Jahren.